

KERATAN AKHBAR
(UNIT KOMUNIKASI KORPORAT)

Surat khabar: Utusan Sarawak (Sada Sarawak)

Hari/Tarikh: 14/12/2013

Muka surat: S3

Tajuk : Randaujurai UNIMAS Begulai MPN, Industri Enggau Rayat.

Randaujurai UNIMAS Begulai MPN, Industri enggau Rayat

KOTA SAMARAHAN: Sarawak tau dikemendar nyadi ke palan bepotensi endur ngatur sumber kuasa ngembuan pemayuh sumber nyadika pansik.

Sapit Naib Canselor Universiti Malaysia Sarawak (UNIMAS) (Hal Ehwal Pelajar & Alumni) Profesor Mohd Fadzil Abdul Rahman madahka enggau pemendar tu Sarawak tau nyadika palan sumber sereta beratika agi pengawa endur ngatur mayuh bengkah pansik.

"Raban sida ke ngaga pansik enda semina ngembuan raban pemansik ari menua tu tang mega ari menua tasik," ku iya.

Iya masutka jaku tu ba pengerami bejadi Dialog Sarawak: UNIMAS Besama Majlis Profesor Negara (MPN), Industri enggau Rayat ditu, apin lama.

Ku iya madah, Sarawak kaya

enggau mayuh bengkah sumber asal, asal semulajadi nyengkaum flora enggau fauna, rayat enggau pengeraja bukai.

Iya madahka pansik tu nyangka ulih mantu ngemansangka Koridor Tenaga Yang Diperbaharui Sarawak (SCORE).

Pia mega, pansik tu enda tetumpu ngagai bidang sains tang ngagai bidang ke bukai ke bisi bekaul enggau pengawa tu.

Antara iya, ku iya nyengkaum ngagai pansik rayat tauka raban bansa etnik enggau rayat ke diau ba menua tu.

"Nyadi ke chunto raban bansa etnik Punan ke majak punas patut diatur awakka rayat tu enda punas," ku iya.

Mohd Fadzil mega madahka Unimas seruran nyukung penuh semua pengawa enggau pansik diatur

MPN endur mending enggau pemansang menua tu.

Iya madahka agi pengelandik ba bidang sains sosial, ekonomi enggau chara berubat komuniti mega ngembuan kaul enggau pengerai rampa menua.

Iya madahka skop dialog enggau jurai dikenai ngiga chara mutarka isu sumber asal enggau rampa menua, sosio-ekonomi enggau budaya ba negeri tu sigi amat besai. Ny-alai, pengawa tu ngemeranca fokus ngemanah ke agi rampa menua ngagai nembiak rebak baru tu ila.

Dialog Sarawak nyadi ke siti pelasar ngagai kaban akademik UNIMAS enggau serata Malaysia endur berandauka isu kandang ngelingi enggau rampa menua bekaul enggau negeri Sarawak.